

SA's Leading Past Year

Exam Paper Portal

S T U D Y

You have Downloaded, yet Another Great
Resource to assist you with your Studies ☺

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexamapers.co.za





basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

ISINDEBELE ILIMI LOKUTHOMA LOKWENGEZA (FAL)

IPHEPHA LOKUTHOMA (P1)

2023

IMITLOMELO: 80

ISIKHATHI: Ama-iri ama-2

Iphepheli linamakhasi ali-14.

YELELA

1. Iphepheli LINEENGABA EZINTATHU: ISIGABA A, B, kanye NESIGABA-C.

ISIGABA A:	Ukufunda nokuzwisia	(30)
ISIGABA B:	Ukurhunyeza	(10)
ISIGABA C:	Izakhi nemithetjhwana yokusetjenziswa kwelimi	(40)
2. Phendula YOKE imibuzo.
3. Thoma isigaba ESINYE NESINYE ekhiasi ELITJHA.
4. Thalela ngemva kokuphendula imibuzo YESIGABA NGASINYE.
5. Nombora iimpendulo zakho ngendlela ezononjorwe ngayo ephepheni lemibuzo.
6. Tjhiya umuda OWODWA ngemva kwaleyo naleyo pendulo.
7. Yelela bona upeleda amagama ngendlela efaneleko bewutlole nemitjho ezwakalako.
8. Isikhathi esiphakanyisweko sokutlola ISIGABA NGASINYE:

ISIGABA A:	Imizuzu ema-50	(30)
ISIGABA B:	Imizuzu ema-20	(10)
ISIGABA C:	Imizuzu ema-50	(40)
9. Tlola kuhle ngesandla esibonakalako.

ISIGABA A: UKUFUNDA NOKUZWISISA**UMBUZO 1**

Phendula UMBUZO 1.1 kanye NOMBUZO 1.2.

- 1.1 Fundiswa itheksthi engenzasi bese uphendula imibuzo elandelako.

ITHEKSTHI A**I-INTHANETHI IYABUSA EPILWENI YANAMHLANJE**

- | | |
|---|---|
| 1 | Ipiло seytjhuguluke khulu nawuyimadanisa nepilo yakade. Amanye wamatjhuguluo kukobana izinto ezinengi nazizakwenziwa zifuna i-inthanethi. I-inthanethi le yasungulwa ziinqhenyana zabantu ezimbadlwana zabososayensi nabonjiniyere. Kusukela ngomnyaka we-1983 kwaba netuthuko kangangokuba abarhubhululi bagcina sebasungule i-inthanethi esetjenziswa namhlanje. Ngomnyaka we-1990 usosayensi wekhomphyutha uTim Berners-Lee wasungula iWorld Wide Web. Ngiyo eyenza kube lula bona i-inthanethi ifinyelele emphakathini. 5 |
| 2 | Sekubonakala-ke bona i-inthanethi sekuyinto engeze sisakghona ukuphila ngaphandle kwayo. I-inthanethi seyingene nakubhajedi emndenini eminengi ngombana umndeni sewuditjha kamnandi nangabe kune inthanethi ekhaya. Lokhu sekubange nokobana isikhathi sokuhlala ndawonye emndenini sidleke ngombana sekubusa abomaliledinini abakhambisana nama- <i>network</i> athileko. Ufunyana umntwana abukele ifilimu kumaliledininakhe, ubaba aqale izehlakalo ezenzeka ephasini nomma azicocela eenkundleni zokuthintana. Amalanga nabu-8 enyangeni ka-Oktoba emnyakeni wee-2021 abantu bahlanganyelwa ziinhloko ngebanga lokobana i-inthanethi ephethe iinkundla zokuthintana yakaMac Zacabeth yonakala. 10 15 20 |
| 3 | I-Facebook ethandwa khulu ephasini mazombe yajama tsi. Usomabubulo lo waloba amabhiliyon i wamaranda esehlakalwenesi. UmNyango wezeFundu esiSekelo ukatelela bona iinkolo ngeenkolo zibe ne-inthanethi. Abafundi sebahlala emakhomphyutheni barhubhulule ilwazi mayelana nemisebenzi ebayiphiwe botitjhere 25 eenkolweni. Into ekatelela umNyango wezeFundu esiSekelo bona iinkolo zifumane i-inthanethi kukobana ithungelelwano lemKayini (<i>Network</i>) alikghoni ukubamba kezinye iindawo abafundi abahlala kizo khulukhulu ezisemakhaya nemaplasini. Kunezinye iimfundu ezinjengezoMlando ne-Life Orientation ezikatelela bona abafundi 30 benze irhubhululo ngazo. 25 30 |

- | | | |
|---|---|----------------|
| 4 | UmNyango wemaZikweni aPhakamileko wezeFundo wona sewunesikhathjana wayilungisa indaba yokwenza izinto <i>online</i> . Abafundi abafuna ukuyokufunda emayunivesithi nemakholiji bebajama umjeje wokuyokubawa iinkhala zokufunda amalanga amathathu woke. Umraro lo walanyulwa ngiyo i-inthanethi kwathiwa abafundi ababawe iinkhala <i>online</i> bebatbole neempendulo kiyo. Yabuya yaba lisizo khulu ebafundini kusukela ngoMatjhi emnyakeni wee-2020 lokha nakungayiwa eenkolweni. Amakhamphani wama-network afana nabo-Rain, Telkom azuza khulu ngaleso sikhathi ngombana iinsetjenziswa ezikhambelana ne-inthanethi abafundi bakateleka bona bazithenge nabasemakhaya. Ababelethi bebalila ezimathosi ngendaba le ngombana ubujamo lobu bebudla ngeenkhwanyeni zabo kanti ngakelinye ihlangothi imali ebayibhadela emaZikweni aPhakemeko wezeFundo azange iphungulwe. | 35
40
45 |
| 5 | EmiNyangweni eminengi kaRhulumende idlala indima ekulu. Kunemininingwana engaphakathi kwemitihiningqondo etholakala kuphela nakune-inthanethi. Abantu nabanezinto abafuna ukuzenza ema-ofisini womNyango wezeHlalakuhe newezokuThutha kutholakale bona kunomraro nge-inthanethi bayakateleka bona bajike babuyele emakhaya bangakasizakali. Amabhanga adzimelele khulu ku-inthanethi ngombana nawo imininingwana yababulungi bemali ifumaneka ngayo. | 50 |
| 6 | lindawo zokuphumula ezinjengamahotela nama- <i>Holiday Resorts</i> asebenzisa ubujamo babo be-inthanethi ukuzikhangisa nokudosa iimvakatjhi. Abantu bafuna iindawo ezine-Wifi khulukhulu etholakala simahla ngombana nakuditjhiweko kuthintanwa nabantu abasekhaya bebatunyelwe iinthombe namavidiyo. Koke lokhu kwensiwa ngokusebenzisa iinkundla zokuthintana ezifuna i-inthanethi. Kazi amalunga womndeni amndeni ngokuthintana nokuvakatjhelana. Sadlula kade isikhathi sokobana uthi nawuya endaweni ethileko ukhambe ujama emagaratjhi batjho ubuza indlela. Kwathoma kwasetjenziswa i-Navigator namhlanje isizo lifumaneka kumaliledinini wakho. Abangakghoniko ukuvakatjhelana basebenzisa zona iinkundla zokuthintana ezinjenge-Skype ne-Whatsapp bacoce baqalene ngemehlwani. Koke lokhu kudzimelele phezu kwe-inthanethi. | 55
60
65 |
| 7 | I-inthanethi yenze ipilo yaba lula emphakathini. Umuntu sewuyazikhethela bona uyakufuna ukuya esitolo namkha awa? Nawufuna izambatho uyazi-oda, yigrozara ngiso leso, ziinhlahla nazo ubathinta <i>online</i> bakulethele. Nobuvila nabo buthi ngilapha emindenini, akusaphekwa ngamalanga. Kuneentolo ezithengisa ukudla okuphekewi futhi. Umuntu ukghona ukufaka i-oda-online ngewebhusayidi kungakapheli nama-iri amabili ezwe ngesithuthuthu sesithi bhrrrrrr! ngaphandle sizokudiliva. Kuyabonakala bona esikhathini esizako umuzi nomuzi kuzokufanela bona ube nayo i-inthanethi ngombana imihlangano eminengi yomsebenzi seyenziwa ngayo. Iminden i nayo seyzokusebenzisa yona lendlela ukulungisa iinkhonkhwani zayo. | 70
75 |

[Ithethwe ku-inthanethi yatjhugululelw esindebeleni]

- 1.1.1 Tlola iinqhenyana EZIMBILI ezasungula i-inthanethi. (2)
- 1.1.2 Veza into eyenziwa babantu abalandelako nge-inthanethi esikhathini sanamhlanje.
- (a) Ubaba (1)
- (b) Umma (1)
- 1.1.3 Ngokurhunyezweko hlathulula okwenzeka ngomnyaka we-1990 nokwaba lisizo emphakathini. (2)
- 1.1.4 Veza okungafaniko mayelana nokukhulumu kwabantu esikhathini sakade nesikhathini sanje. (2)
- 1.1.5 Hlathulula okwenzeka ephasini mazombe amalanga nabu-8 ku-Oktoba okwenza bona abantu bahlanganyelwe ziinhloko. (2)
- 1.1.6 Ucabanga bona ngiziphi ezinye iinkundla zokuthintana ezingakavezwa etheksthini le ezathintekako amalanga nabu-8 ku-Oktoba 2021? Ipendulwakho ayibe maphuzu AMABILI. (2)
- 1.1.7 Ucabanga bona ngikuphi okhunye abafundi abakwenzako nge-inthanethi ngaphandle kokurhubhulula ilwazi? Ipendulwakho ayibe maphuzu AMABILI. (2)
- 1.1.8 Khetha ipendulo enembako kezilandelako.
- NgoMatjhi emnyakeni we-2020 imindenि eminengi besele inabo abomaliledinini kodwana i-inthanethi beyidla ngeenkhwanyeni zababelethi ngombana kufanele:
- A Bathenge amakhomphyutha
 B Bathenge i-data
 C Balungise abomaliledinini
 D Base abentwabobo esikolweni samakhomphyutha (2)
- 1.1.9 Hlathulula okwenzeka ngoMatjhi emnyakeni wee-2020 okwabangela bona abafundi bakateleke ukufundela emakhaya. (2)
- 1.1.10 Ucabanga bona ngiwuphi umthelela omumbi olethwe yi-inthanethi khulukhulu endabenи yalokha umuntu nakabulunge imali ebhanga? (2)
- 1.1.11 Ngokucabanga kwakho ingabe kusiszenzo ESIHLEnofana ESIMBI ukuthumela abantu izinto enizenzako nanikhambileko niye emaholideyini? (2)
- 1.1.12 Tshwaya ngomthelela omumbi olethwa kukuba khona kwe-inthanethi emndenini. (2)

- 1.2 Qalisisa isithombe esingenzasi bese uphendula imibuzo elandelako.

ITHEKSTHI B



[Sithethwe ku-www.images.com]

- 1.2.1 Hlathulula lokho okwenziwa esithombeni. (1)
- 1.2.2 Sekela isitatimendesi ngephuzu ELIODWA uqalise esithombeni esingehla.
Abantwaba bakuthabele lokhu abakwenzako. (1)
- 1.2.3 Hlathulula izinto EZIMBILI ezikhombisa bona lokhu okwenzeka esithombeni kwenzeka ehlobo. (2)
- 1.2.4 Nawuqalisisa okwenzeka esithombenesi ingabe lokhu okuvezwe kiso bekungenzeka ngaphambi komnyaka wee-1990 lapha eSewula Afrika? Sekela isiquonto osithathako ngephuzu ELIODWA. (2)

IMITLOMELO YESIGABA A: **30**

ISIGABA B: UKURHUNYEZA**UMBUZO 2**

Fundisa itheksthi engenzasi bese uyayirhunyeza ngamaphuzu ali-7 amayelana **neendlela zokutjheja amehlo.**

IMIYALO:

1. Amagama angadluli kwama-60.
2. Nombora imitjhawakho kusukela kewoku-1 bekufile kewe-7.
3. Umutjho NGAMUNYE owutlolako awube nomqondo OWODWA opheleleko.
4. Tlola ngelimi elitsengileko ngombana uzokwabelwa imitlomelo emi-3.
5. Sebenzisa amagamakho, ngendlela ongakhona ngayo ungabuyeleti utole okusesirhunyezweni.
6. Tlola inani lamagama owasebenzisileko ekupheleni kwesirhunyezo sakho.

ITHEKSTHI C**IINDELA ZOKUTJHEJA AMEHLO**

Amehlo asisitho esiqakatheke khulu emzimbeni. Afuna ukutjhejwa ngombana ipilo iba budisi nasele anobulwele. Kazi ipilo yipilo ngokubona. Ukuzitjhayeleta uthathe amakhambo uvakatjhele iinhlobo kumnandi kangangani kodwana koke lokho kuyakhinyabezeka nasele ungasaboni kuhle. Abantu sithanda ukwazi bona iphasi lijame njani khulukhulu kibomaliledinini neenrhatjhini ezinjengabomabonakude. Koke lokho sikwenza ngokusizwa mamehlo. Kuqakathekile bona siwatjheje komhlolo amehlo la.

Indlela yokuthoma yokutjheja amehlo kukobana wazi umlando wepiro yomndenakho. Uhlole bona akunamuntu onobulwele betjhukela, bomfutho weengazi eziphezulunofana okhe watshwenywa mamehlo? Imihlobo le yobulwele iyakuthanda ukusahlela amehlo. Qobe lilanga tjheja bona akunamatshwayo akhombisa amatjhuguluko wendlela obona ngayo. Wazibona sele into eyodwa ibonakala ngathi zimbilinofana kuba budisi ukubona nakunomkhanyo omncani, yazi bona sekunomraro ngamehlwakho. Ilanga nomkhanyo omnengi kuyawalimaza amehlo. Imitjhiningqondo, abomaliledinini namalambha asetjenziswa ngendlini anomkhanyo ongenelela khulu emehlwensi. Mbatha amarhalasi avikela amehlo nawusebenzisa izinto ezinomkhanyo omnengi.

Yidla izakhamzimba ezifana neenthelo, imirorho yombala ohlaza nefesi. Irhubhululo liyaveza bona ifesi inamafutha abizwa nge-*Omega* 3 asiza ukulwisana nokwehla kwamandla womzimba. I-*Omega* 3 ibuye ibe mavithamini wamehlo. Qobe mnyaka hlahluba amehlwakho kwadorhodera. Lokhu kuzokusiza bona ufumane amarhalasi wamehlo afaneleko nazokusiza bona ubone kuhle. Lisa ukubhema ngombana igwayi liyingozi epilwensi yelihlo. Igwayi ngenye yezinto ezibanga bona amehlo abe ne-catarac ethikameza ukubona kuhle emehlwensi.

Njalo nje nawuphethe iisetjenzisa zeensimbi ezinjengemitjhini esika iinsimbi, mbatha amarhalasi avikelako. lingozi zamehlo ezibandakanya umsebenzi ezingenza bona umuntu alahlekelwe kubona kwamehlwakhe unomphela zingavikelwa ngokumbatha amarhalasi aphephisa amehlo. Asiwaytjhejeni amehlwethu.

[Ithethwe ku-inthathethi yatjhugululwa esiNdebeleni]

IMITLOMELO YESIGABA B: 10

ISIGABA C: IZAKHI NEMITHETJHWANA YOKUSETJENZISWA KWELIMI**UMBUZO 3: ISIKHANGISO**

Qalisisa isikhangiso esingenzasi bese uphendula imibuzo elandelako.

ITHEKSTHI D

UDINWE KULADELWA ESIKOLWENI BEGODU NOMZIMBA SEWUTHELE NGOKWEQILEKO? TJAPHULUKA UZITHOLELE IBHAYISIGILA LE EZITHABULULE *BICYCLE COMPANY* ekhambisana nesikhathi ukhohlwe mirarwakho.

Ungasidosela umtato ku-011 264 0001 nofana uvakanjhele i-Facebook yethu ukuthola iintengo. **Ungadiselwa ziinyawo! Mtjhini ozitjhentjhako lo!**



Imibandela

- Ithengiselwa abantu bembaji.
- Ikhamba endleleni eneskontiri kwaphela.
- Uthola isifundo bandulo sokuyisebenzisa mahala.

[Sithethwe ku-www.images.com]

- 3.1 Ibhayisigila le itholakala kisiphi isitolo? (1)
- 3.2 Veza umbandela OWODWA ongenza bona abantu bawuthabele umkhiqizo lo. (1)
- 3.3 Tlola imihlobo EMIBILI yabantu engathabela ukuthola umkhiqizo lo othengiswako. (2)
- 3.4 Buyelela umutjho olandelako bese, ujamiselela isitjho esithalelwoko ngehlathululo yaso.

Ungadiselwa ziinyawo! Mtjhini ozitjhentjhako lo! (1)

3.5 Khetha ipendulo enembako kilezi ezilandelako:

Ibizo elithi; 'Imirarwakho' libizoqarha elakhwiwe nge ...

- A bizo nebizo.
- B senzo nebizo.
- C bizo nenani.
- D bizo nobumnini.

(2)

3.6 Phendula isitatimende esingenzasi ngoLIQINISOnofana AKUSILO IQINISO bese usekela isiqunto osithathako ngephuzu ELILODWA.

Amagama athi; 'Udinwe kuladelwa esikolweni begodu nomzimba sewuthele ngokweqileko?' amumethe umqondo welimi lokunyaza.

(1)

3.7 Tshwaya ngebandlululo elitholakala esikhangiswenesi. Ipendulwakho ayibe liphuzu ELILODWA.

(2)

[10]

UMBUZO 4: IKHATHUNI

Qalisisa ikhathuni engenzasi bese uphendula imibuzo elandelako.

ITHEKSTHI E



[Sithethwe ku-www.images.com]

- 4.1 Tlola OKUKODWA okubonakala etafuleni esekhathunini engehla le. (1)
- 4.2 Hlathulula okwenzeka ekhathunini engehla. Ipendulwakho ayibe maphuzu AMABILI. (2)
- 4.3 Veza bona ubaba osekhathunini uhlobana njani nalaba abaphethe iingidi. (1)
- 4.4 Ucabanga bona asitjelani amaronjwana amathathu aseduze kwekulomo kababa osekhathunini? Ipendulwakho ayibe liphuzu ELILODWA. (1)
- 4.5 Sebenzisa isihlanganisi esifaneleko ukuhlanganisa imitjho elandelako.
Ngakuthabela khulu ukusebenzela ekhaya. Nje sengidinwe litjhada labentwana. (1)
- 4.6 Buyelela utlole umutjho ongenzasi bese uthalela isenzukuthi.
Jama tsi Sipho. (1)
- 4.7 Khetha ipendulo enembako kezilandelako.
Amagama athi; 'Mina angeze ngadlulwa mntazanyana' amumethe umqondo welimi ...
A lokunyaza.
B lokubandlulula.
C lokudlelezela.
D lokurogela. (1)
- 4.8 Tshwaya ngobungozi obungavelela ubaba lo emsebenzinakhe nange lokhu okwenzeka ekhathunini engehla kungaragela phambili. Ipendulwakho ayibe liphuzu ELILODWA. (2)
[10]

UMBUZO 5

- 5.1 Fundisia itheksthi engenzasi bese uphendula imibuzo elandelako.

ITHEKSTHI F

Namhlanjesi lilanga elikhulu kwajikanelanga ngombana kuyalotjolwa. Imindeni yakha ubuhlobo. Kuvukwe neenkukhu nazehla emthini kwenziwa amalungiselelo. Abantu bendawo bawakhuphe woke amehlo enyameni ngombana umntazana olotjolwako waziwa ngokungadlulwa libhrugu. Ngikho bafuna ukuzibonela isokana elinesibindi esingaka. Phela uNozizwe 5 siphalaphala kanti nejamo lithi ngila. Alo ngiliphi isokana elingeze lafuna ukumenza umkhamanzi walo? Lithe naliphakamako bavela abakhongi baraga amagagadlha weencomo ezilisumi nambili. Bezingasiyo imigorhwana, bezinonile ziphazima. Lokhu kutjengisa bona uMhlekwa uzimisele. Kwamambala ujikanelanga uyindoda emadodeni ngombana indoda yikomo. 10 Abondabazabantu babamba ongenzasi kwazaliseka elithi ithando ngelabantu ababili wesithathu yihlanganisa. Kuthe naliyozilahla kunina, indaba yabe sele iseenkundleni zokuthintana bona uHleziphi uvunulisiwe akasazokuba litatawu lamasokana.

- 5.1.1 Buyelela utlole umutjho ongenzasi uveze ukulandula.

Imindeni yakha ubuhlobo. (1)

- 5.1.2 Tlola igama eliphikisana naleli elithalelwko emutjhweni ongenzasi.

Umntazana olotjolwako waziwa ngokungadlulwa libhrugu. (1)

- 5.1.3 Khulisa igama elithalelwko emutjhweni ongenzasi.

Namhlanjesi lilanga elikhulu kwajikanelanga. (1)

- 5.1.4 Tjhugulula umutjho olandelako ube sebunyen.

Bezingasiyo imigorhwana, bezinonile ziphazima. (2)

- 5.1.5 Buyelela utlole umutjho olandelako kodwana uthome ngegama elithalelwko.

UMhlekwa ulobola uNozizwe ngamagagadlha weencomo. (2)

- 5.1.6 Buyelela utlole umutjho ongenzasi bese ujamiselela igama elithalelwko ngesabizwana senani.

Intombi zazibaza zizophendula bona ulotjolwa njani angakaziphathi kuhle nje. (1)

5.1.7 Khetha ipendulo enembako kilezi ezilandelako:

Ikulumo ethi abondabazabantu babamba ongenzasi isi ...

- A saga.
- B fenqo.
- C sandiso.
- D sitjho.

(1)

5.1.8 Buyelela utbole umutjho ongenzasi ujamiselele ibinzana elithalelweko ngehathululo yalo.

linkukhu nazehla emthini kwenziwa amalungiselelo.

(1)

5.1.9 Thatha igama elithalelweko emutjhweni ongenzasi ulisebenzise emutjhweni ozakhele wona kuvele enye ihlathululo ehlukileko kile esetheksthini.

Ngikho bafuna ukuzibonela bona ngubani isokana elinesibindi esingaka.

(2)

5.1.10 Tjhugulula ikulumo engenzasi ibe yikulumo engakanqophi.

Abomakhelana bathi, 'Sifuna ukubona bonyana kwamambala niyathandana.'

(2)

5.2 Qalisisa isithombe esingenzasi bese uphendula imibuzo elandelako.

ITHEKSTHI G

Ifundo ibudisi ifuna umntwana akhuthalele umsebenzakhe begodu abe nethando lokusebenza nabanye. Ngaleylo ndlela angagcina aphumelela ngamalengiso.



Yiba mngani neencwadi zakho.

[Sithethwe ku-www.images.com]

- 5.2.1 Buyelela utlole umutjho ongenzasi bese unciphisa igama elithalelweko.
Ifundo ibudisi ifuna umntwana akhuthale. (1)
- 5.2.2 Khupha umenziwa emutjhweni ongenzasi.
Abangani batlola imisebenzabo ndawonye. (1)
- 5.2.3 Buyelela utlole umutjho ongenzasi kodwana ube sesikhathini esizako.
Abangani laba basafunda iimBalo zegreyidi le-10. (1)
- 5.2.4 Jamiselela ibizo elithalelweko ngesabizwana samambala.
Ithando lokufunda liletha ilwazi elingeneleleko. (1)
- 5.2.5 Thatha igama elithalelweko emutjhweni ongenzasi ulitjhugulule libizomuntu bese ulisebenzisa emutjhweni ozakhele wona.
Ifundo ibudisi ifuna umntwana akhuthalele umsebenzakhe. (2)
[20]

IMITLOMELO YESIGABA C: **40**
INANI LOKE: **80**